

Protocol no. 55
Sezzüda da lündeschdi, 12 avrigl 2010, 20.00 – 23.05

Preschaints: Jon Carl Rauch; Chasper Alexander Felix, Georg Salomon,
Marianne Werro-Lehmann, Jachen Andri Schmidt e
Rico Zini (protocol)

Protocol

Il protocol no. 54 da la sezzüda dals 6 avrigl 2010 vain approvà.

447 110 PULIZIA CUMÜNALA
Ledscha da pulizia

Il Cussagl cumünal repassa in sia seguonda lectüra il rest dals artichels da la ledscha da pulizia pel Cumün da Sent e decida, davo avair fat correcturas ed aggiuntas, d'inviar la ledscha al jurist cumünal per l'examinaziun juridica.

448 790.581.02 Zona da fabrica per indigens
Zona per indigens FLüs I

Il schef da fabrica declera a man d'ün plan da situaziun la proposta dals proprietaris d'ün da las parcelas bsögnadas per far üna zona per indigens a FLüs.

La cundiziun propuonüda davart da quels proprietaris nu vain pel Cussagl cumünal finzial in dumonda. In quel cuntegn han da gnir trattats tuot ils partenaris istess (davart tschellas cundiziuns as poja trattar).

Schi nu's chatta uossa ingüna soluziun schi's cumainza cun trattativas in oter lö per realisar üna zona per indigens. Els as ston però esser consciaints cha novas zonas da fabrica i'ls prossems 20 ons nu pon, tenor tuot las indicaziuns chi's ha actualmaing, gnir realisadas.

449 620.501.07 Via Sur En
Surdattas da lavur

Davo avair tut cogniziun dal reasunt da las offertas decida il Cussagl cumünal da surdar las seguaintas lavurs:

1. Lavurs da catram
Palatini AG, Sent fr. 123'425.85
2. Stabilisaziun
Rotomag, Sargans fr. 53'423.40

Il schef da trafic guarda amo culla posta co chi pudess gnir reglà plü favuraivel il servezzan dals autos da posta.

**450 620.501.08 Sanaziun Plaz
Surdattas da lavur**

Davo avair tut cogniziun dal reasunt da las offertas decida il Cussagl cumünal da surdar las seguaintas lavurs:

1. Lavurs d'infrastructura e surtratta
Palatini AG, Sent fr. 90'691.40 (Suotaccordant Christian Hännny, Sent)
2. Stabilisaziun
Rotomag, Sargans fr. 9'826.05

La renovaziun dal bügl vain surdat plü tard.

**451 620.314.02 Mantegnimaint general da vias
Sanaziun via da Sinestra**

Il schef da vias orientescha chi vain sanà ün toc da la via da Sinestra (Sent-Bügliöl). Quista lavur vain fatta da la firma Rotomag.

Il Cussagl cumünal piglia l'infuormaziun a cogniziun e decida da surdar quista lavur a la firma surmanzunada per ün predschi da fr. 45'579.35. L'import vain debità sur il conto dal mantegnimaint general da vias.

**452 810.503.02 Magazin cumünal Tuols
Grü per dozzar material sül plan sura**

Il schef da strada orientescha chi's dovra sül plan sura dal magazin cumünal ün pitschen grö per metter lasura material. Quel cuosta fr. 8'931.65 e vain da la firma Meili da Turich. Il Cussagl cumünal piglia a cogniziun l'infuormaziun.

**454 340.366 Promoziun sport
Sent in movimaint „Gemeinde bewegt“**

La schefa da sport e cultura orientescha chi detta ün program dal Chantun Grischun in collavuraziun culla Promoziun da sandà Svizra. Quist program prevezza cha cumüns interessats organischeschan ün di da movimaint ingiò chi vegnan preschantats, scha pussibel, tuot las sorts da sports da lur cumün. Il Chantun sustegna al comitè d'organisaziun cun lur savair e contribuishescha eir in fuorma da raps e cun üna broschürina alch landervia.

Il Cussagl cumünal chatta quist üna buna idea. La data dal di da movimaint vain fixada süls 3 october 2010.

**456 800 ALPS E PAS-CHS
Dombraziun da muvel**

Il schef da god e paura orientescha, cha sar Jöri Felix as metta a disposiziun per surtour la dombraziun da muvel chi faiva avant Men Werro.

Il Cussagl cumünal elegia a Jöri Felix a partir da subit sco dombra muvel pel Cumün da Sent.

**457 810.318.03 Spaisas da condotta
Surdatta per transportar laina our d'Uina**

Il Cussagl cumünal decida da surdar il transport da laina our d'Uina a Jachen Zanetti ed a Cla Pult pel predschi da fr. 34.-- al m3.

458 830

TURISSEM

Permiss d'ustaria

Il Cussagl cumünal piglia cogniziun cha dna. Dorothea Zwanzig fa la dumonda pel permiss per manar la pensiun MaPerla a Sent.

Il Cussagl cumünal decida da dar il permiss tenor art. 3 da l'uorden d'ustaria sco segua:

- | | | |
|----|--------------------------------|------------------|
| 1. | Persuna respunsabla: | Dorothea Zwanzig |
| 2. | Descripziun da las localitats: | Pensiun MaPerla |
| 3. | Dürada: | Illimità |

Il cumün inchascha tenor art. 12 dal uorden d'ustaria üna taxa da fr. 150.-- per quist permiss.

L'actuar: